



Universitätsbibliothek Paderborn

Defensio Abbatiæ Imperialis S. Maximini

Zyllesius, Nicolaus

Treveris, 1638

Art. 4. Quòd voti auctor frustra laboret in quæstionibus generalibus, cùm
habeatur casus specialis decisus, quodque eius exempla contra ipsum
militent.

urn:nbn:de:hbz:466:1-14268

Dominus, sed Dominus mediatus, seu Dominus Domini sui, ut inquit Text. in cap. unic. de alod. ad fin. ibi. Aut sub Rege Dominium suum. Carolus Molinacus de feud. §. 1. gloss. 6. n. 2. And. Aluat. in l. Modestinus ff. de verbis signif. Henricus à Rosenhaal cap. 9. membro 1. concl. 47. & cap. 8. quest. 10. & 11. cum plurimis DD. ab eo citatis.

Sed ista parum ad nostrum propositum, & demus votatori, ut illa habeat, prout volet.

Addamus & præterea, Quod Rex in suo Regno, ac quilibet supremus Princeps in sua ditione, particulari prærogatiua, vniuersalis est Dominus, quodque non solum sui Vasalli immediati, sed & subvasalli omnes, & eorum Domini sunt Clientes & subditi sui; Imò, quod in fidelitate & Sacramento, semper nominatim excipiatur, vel excipi intelligatur fidelitas supremo Principi debita ob subiectionem illam, quæ ab omnibus, siue Vasallis, siue alijs quibuscumque subditis supremo Principi debetur, nobis hic sufficit quod inuestitio ab immediato Domino proficietur ac præstatur.

Quod quidem ita esse constat non solum ex constitutionibus, iureque feudali, sed & ex ipsa omnium Regnorum, ditionum ac populorum & præcipue in Imperio vsu & obseruantia.

Videmus enim omnes Imperij Principes, qui Status suos ab Imperio immediate recognoscunt, illos feudatarijs suis, vasallisque, qui ab ijsdem Principibus in ditionibus suis, feuda immediate subfeudorum iure tenent, infeudationes, inuestituræ siue conferre siue renouare pro se, suoque nomine, propriaque auctoritate, cauebuntque, ne Imperatoris nomine infeudent, multò magis, ne, ut illud facere possint, postulent; exempla lustres Regis Bohemæ, Duxi Saxoniae, Comitis Palatini, aliorumque Principum Elektorum, ac quorumcunque aliorum Imperij Principum vel statuum; ac si possis, vel vnicum ex eorum Vasallis nomines suis ditionibus, iurisdictionibus, Principatibusque subditum, quem ijdem Principes ob idem feudum à scipsis mouens ac tentum, Imperatoris non nomine infeudent, non autem suo.

Ipse Archiepiscopus in suo, ac sub suo Archiepiscopatu plures habet suos Vasallos, Archiepiscopum immediatè pro feudalí Domino recognoscentes, vel vnum ex illis nominet, quem Imperatoris nomine infeudet, quorum fideliates recipiat, Imperatoris nomine, non suo, quos ut infeudare posset opus habuerit illi concedi, ut id Imperatoris nomine facere licet.

Ac sanè etiam sémotis omnibus ratiocinationibus ex ipso simplici naturali iudicio, si Archiepiscopus Dominus fuisset, quid opus erat eum postulare impetrareque, ut inuestituras conferret pro Imperatore siue Imperatoris nomine? Fingat hic nobis vel votator, vel scriptor, vel alias quicunque ex Archiepiscopis vllum causæ, vel colorem, vel umbram.

Art. 4. Quod voti auctor frustra laboret in questionibus generalibus, cum habeatur casus specialis decisus, quodque eius exempla contra ipsum militent.

Poteft, inquit, suo nomine quis aliquid habere in re, immo ipsum Dominium, & tamen etiam alieno nomine in cādem re aliquid facere; exemplum ponit in procuratore in rem suam, in usufruario. Quis enunciatio nem istam, ut ita generalis est, negat? Et illi non solum subscrībimus genera-

tim,

tim, sed si cupit, etiam auxilia præstamus, & addimus; Potest Hypothecarius creditor, qui Hypothecæ ius in re habet, rem, Domini nomine locare, arare, colere, eandem rem Domini nomine possidet, et si ius illud suum hypothecæ sibi ac pro se habeat. Potest proprietarius fructus colligere vslfructuarij nomine, & vicissim vslfructuarius, Domini nomine proprietatem conseruare, detinere. Hoc non est, quod opus est, ut probet, sed istud: Archiepiscopus non infundatur, sed Imperator infundatur, siue Archiepiscopus non infundatur suo sed Imperatoris nomine, & tamen Archiepiscopus est immediatus feudalis Dominus, hic labor erit, quem frustra suscipiet.

In thesi illa generali, potest quidem quis Ius aliquod in re habere, & tamen aliquid etiam alieno nomine præstare, sed id diuerso respectu, ita ut in eo, quod alieno nomine facit, nihil habeat, & alienum nomen, suum proprium excludat, qua de re est textus apertus in d. l. quod meo ff. de acquir. vel amit. pos. his verbis, *Quod meo nomine possideo possum alieno nomine possidere* (id est constituere. Got. ad d. l.) *nec enim muto mihi causam possessionis, sed desino possidere, & alium possessorem ministerio meo facio, nec idem est possidere & alio nomine possidere, nam possidet cuius nomine possidetur, Procurator alienæ possessioni præstat ministerium.* DD. passim ad d.l. cum similib.

Ac, ut in exemplis in voto allatis consistamus, Procurator in rem suam, siue qui cestam aut emptam habet actionem, in actione directa, quam Domini nomine instituit nihil habet, sed manet illa Domini propriareiusdem offibus inseparabiliter infixa.

Actionem vtilem habet Procurator in rem suam, sed illam non Domini, sed suo nomine intentat, adeo, ut si eandem Domini nomine intentaret, ab illa eadem eo ipso se abdicare censeretur.

Sic & vslfructarius proprietatem Domini nomine possidet, atque adeo non ipse, sed Dominus possidet, in eaque nihil habet, sed ius vslfructus suo nomine tenet, fructus colligit suo itidem nomine, proprii vslfructus iure, non autem Domini iure aut nomine, adeo ut si Domini nomine fructus se colligeret, eo ipso eosdem Domino acquireret, & ab illis sese excluderet. l. Pomponius 29. ff. quib. mod. vslf. vel vsl. amit. d. l. quod meo, l. qui bona fide ff. de acquir. vel amit. pos.

Itaque ex ipsa ratione similitudinis ab iisdem exemplis deductæ concludenter sic infertur, inuestituram Imperatoris nomine tradit Archiepiscopus, ergo feudale Dominium immediatum non habet, si Dominium immediatum haberet, inuestituram traderet suo nomine, hoc non facit, ergo nec illud habet, ut de Abdicatione taceam.

Art. V. Ex diuersis alijs in voto assertionibus probatur Abbatie Dominum ad Archiepiscopos non pertinere.

Quo ad Dominium (inquit votum) & proprietatem, verum est Imperij esse Monasterium cum Regibus, iuribus, item esse omnia temporalia Imperij feuda: Splendida est confessio, quam ipsa rei eidientia expressit: vide congruam ex illa illationem, & sic (addit.) directo Dominio ad Imperium pertinere, utili vero ad Archiepiscopum Trenireensem.

Quemadmodum (subuerit) omnes Ducatus, Comitatus & membra alia Imperij sunt Imperatoris, cum Regibus, iuribus, feudis, que tamen quoad utile Dominium